



Na osnovu člana 16. Zakona o Vladi Unsko-sanskog kantona („Službeni glasnik Unsko-sanskog kantona“, broj 5/08) i člana 27. stav (1) tačka 8). Zakona o zaštiti i spašavanju ljudi i materijalnih dobara od prirodnih i drugih nesreća („Službene novine Federacije Bosne i Hercegovine“, br. 39/03, 22/06 i 43/10), člana 32. Pravilnika o načinu rada i funkcinisanja štabova i povjerenika civilne zaštite („Službene novine Federacije Bosne i Hercegovine“, br. 77/06 i 5/07), a u vezi sa Zaključkom broj: 15-04-4-5258-1/23 od 17.05.2023. godine na prijedlog Kantonalnog štaba civilne zaštite, Vlada Unsko-sanskog kantona na 21. sjednici održanoj dana 17.05.2023. godine, d o n o s i:

ODLUKU

o proglašenju stanja prirodne nesreće

Član 1.

Zbog velikih kišnih padavina i poplava, prekida u odvijanju saobraćaja na lokalnim, regionalnim i magistralnim putevima, otežanog snabdjevanja stanovništva osnovnim životnim namirnicama, odsječenosti većeg broja naselja od matičnih općina, na području Unsko-sanskog kantona za gradove Bihać, Bosanska Krupa, Cazin i Općine Sanski Most i Velika Kladuša, dana 17.05.2023. godine proglašava se stanje prirodne nesreće.

Član 2.

Radi zaštite i spašavanja ljudi i materijalnih dobara na ugroženim područjima, Vlada Unsko-sanskog kantona zahtjeva:

- da Kantonalni štab civilne zaštite u skladu sa Planom zaštite i spašavanja kantona od prirodnih i drugih nesreća preuzme sve aktivnosti oko koordinacije i rukovođenja akcijama zaštite i spašavanja na ugroženom području,
- da gradski i općinski štabovi civilne zaštite u gradovima i općinama koje su proglasili stanje prirodne nesreće u skladu sa Planovima zaštite i spašavanja gradova i općina preuzmu neposredno rukovođenje akcijama zaštite i spašavanja,
- da gradski i općinski štabovi civilne zaštite u gradovima i općinama koje nisu proglasile stanje prirodne nesreće prate situaciju i pravovremeno preduzmu mjere i aktivnosti na sprečavanju i otklanjanju opasnosti koje bi mogle dovesti do ugrožavanja ljudi i materijalnih dobara
- da sva kantonalna ministarstva, uprave i upravne organizacije, općinske službe za upravu, kantonalne, gradske i općinske javne ustanove i javna preduzeća i građani odmah pristupe provođenju zaključaka i naredbi Kantonalnog, gradskih i općinskih štabova civilne zaštite,

- da gradske i općinske službe i ustanove i Direkcija za regionalne ceste nadležne za zimsko održavanje regionalnih, lokalnih i nekategorisanih puteva aktiviraju sve raspoloživo ljudstvo i mehanizaciju izvođača radova, radi omogućavanja prohodnosti puteva prema planovima prioriteta a da se nedostajuće ljudstvo i mehanizacija angažuju u koordinaciji sa kantonalnim i općinskim štabovima civilne zaštite,
- da Direkcija cesta Federacije BiH angažuje sve raspoloživi ljudstvo i mehanizaciju izvođača radova radi omogućavanja prohodnosti magistralnih puteva prema planu prioriteta,
- da se aktiviraju službe zaštite i spašavanja i jedinice civilne zaštite kantona, gradova i općina koje mogu pružiti pomoć ugroženim gradovima i općinama.
- da gradski i općinski štabovi civilne zaštite preduzmu sve neophodne mjere, radnje i postupke na zaštiti i spašavanju ljudi i materijalnih dobara na ugroženim područjima,
- da gradovi i općine koje nisu proglasile stanje prirodne i druge nesreće aktiviraju službe zaštite i spašavanja i jedinice civilne zaštite radi angažovanja po naredbi Kantonalnog štaba civilne zaštite na zaštiti i spašavanju ljudi i materijalnih dobara u ugroženim područjima.
- da gradovi i općine aktiviraju komisije za procjenu šteta radi izvršavanja zadataka na procjeni nastalih šteta.

Član 3.

Troškovi koji nastanu angažovanjem Kantonalnog štaba civilne zaštite, službi zaštite i spašavanja i jedinica civilne zaštite i materijalno-tehničkih sredstava i opreme privrednih društava u toku provođenja akcija zaštite i spašavanja pokriva se iz redovnih budžetskih sredstava kantona planiranih za zaštitu i spašavanje od prirodnih i drugih nesreća u skladu sa članom 179. Zakona o zaštiti i spašavanju ljudi i materijalnih dobara od prirodnih i drugih nesreća i sredstava posebne naknade za zaštitu i spašavanje prikupljenih na posebnom transakcijskom računu budžeta kantona u skladu sa Odlukom o načinu korištenja sredstava posebne naknade („Službene novine Federacije Bosne i Hercegovine“, broj 2/12).

Član 4.

Ova Odluka će biti objavljena putem printanih i elektronskih sredstava informisanja.

Član 5.

Ova Odluka stupa na snagu danom donošenja i ista će se objaviti u „Službenom glasniku Unsko-sanskog kantona“.

Broj: 03-02-2190-239/2023
Bihać, 17.05.2023. godine



Po ovlaštenju premijera Kantona
ministar Ministarstva pravosuđa i uprave
Dragan Polimanač, dipl. pravnik

17-05-2023

Handwritten note:
- Kantonalni štab CZ
(2 izvoda + izvornik) x3
2